



Inatsisartunut ilaasortaq Kalistat Lund, Inuit Ataqatigiit
MAANI

**Greenland Minerals and Energy (Trading) A/S (GME) pillugu pissutsit
pillugit akissut nr. 2016-115 pillugu § 37 naapertorlugu apeqqummut nr.
2016/262-imut akissuteqaat**

25. november 2016
Sags nr. 2016 - 17356
Akt nr. 3985836

Postboks 930
3900 Nuuk
Tlf. (+299) 34 68 00
E-mail: mmr@nanoq.gl
www.govmin.gl

Inatsisartut Suleriaasianni § 37 naapertorlugu apeqqutit makkua
saqqummiuppatit:

**1. Ulloq 13-05-2016 §37 naapertorlugu akissummi nr. 2016-115-mi
imatut oqaasertalik suli atuutsinneqarpa:**

"1.

Naalakkersuisut 23. oktober 2013 "Immikkoortoq 709-711-mut
tunngatillugu atugassarititaasusanut nalinginnaasunut september 2010-
imeersunut tapiliussaq aamma sumiiffimmut Kalaallit Nunaata kujataani
Kuannersuarni akuersissummut 2010/02-mut tapiliussaq nr. 1 pillugit
nassuaat"-mi taamani Aatsitassanut Naalakkersuisuusumit
atsiorneqarsimasumi ima allapput:

"302. Pisinnatitsisummik pigisaqartoq pinngoqqaatinik qinngornermik
ulorianartunik akulinnik piaanissamut akuersissummik tunineqarnissamik
qinnuteqarpat, takuuq immikkoortoq 301, Naalakkersuisut qinnuteqaat
nammineerlutik aammalu arlaannik tunngaveqanngitsumik imaluunniit
sumilluunniit tunngaveqanngitsumik itigartissinaavaat. Qinnuteqaat
ilaatigut politikkikut imaluunniit ingerlatsivimmi pinngoqqaatinik
qinngornermik ulorianartunik akulinnik piaanissamut akuersissummik
tunniussisanginnissamik aalajangiineq tunngavigalugu
itigartinneqarsinnaavoq. Qinnuteqaammik itigartitsineq
pisussaaffeqarnermik akisussaaffeqarnermillu malitseqassanngilaq,
ilanngullugit Namminersorlutik Oqartussanut, Naalakkersuisunut
imaluunniit Aatsitassanut Ikummatisanullu Pisortaqarfimmut
taarsiinissamik akisussaaffiliissanani".

Aamma:

"303. Pisinnatitsisummik pigisaqartoq pinngoqqaatinik qinngornermik
ulorianartunik akulinnik piaanissamut akuerissummik tunineqarnissamik
qinnuteqarpat, tak. Immikkoortoq 301, Naalakkersuisut pinngoqqaatinik
qinngornermik ulorianartunik akulinnik piaanissamut atugassarititaasut
suulluunniit nammineerlutik aammalu killilersuutitaqanngitsumik

aalajangersarsinnaavaat. Naalakkersuisut ilaatigut piaanermi ingerlatanut, isumannaallisaanermut peqqinnissamut, avatangiisirut, pisuussutinik atorluaanermut aamma inuiaqatigiinni piujuartussamik iluaqutaasumik sunniutaasusanut atugassarititaasussanik kiisalu pisinnaatitsissummik pigisaqartoq Kalaallit Nunaanni Namminersorlutik Oqartussanut akuliuteqasanersoq aalajangersaasinjaapput. Naalakkersuisut tassunga ilanngullugu nammineerlutik aamma arlaatigulluunniit killilersuutitaqanngitsumik ukiumoortumik akitsuummik sumiiffiup akuersissummi pineqartumut ilaasup angissusaa tunngavigalugu naatsorsugaasumik akiliuteqarnissamik (nunaminertamut akitsuut) atugassarititaasussanik, akitsuummik aatsitassat piiarneqartut ilaalu ilanngullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut qupp. 2 akiliuteqarnissamik (pissarsianit akitsuut) atugassarititaasussanik aalajangersaasinjaapput".

2.

Nassuaammi nassuiardeqartut suli atuupput?

Akissut:

Qulaani allassimasut issuaanerit Kujataani Kuannersuit eqqaanni nunami kisermaassilluni misissueqqissaarnissamut Greenland Minerals & Energy A/S-ip akuersissutaanut nr. 2010/02-mut tapiliussami akuersinermut piumasaqaatinit toqqaannartumik issuaanerupput.

Tapiliussaq ulloq 3. april 2012-mi atulersinneqarpoq sulilu atuulluni.

Tapiliussaq misissuinissamut isumaqatigiissut nr. 2012/02-mut ilaavoq.

Immikkoortoq 709-711 aamma Kujataani Kuannersuit eqqaanni nunaminertaq pillugu akuersissummut 2010/02-mut tapiliussamut tunngasumut september 2010-meersumut nalinginnaasumik piumasaqaatinut tapiliussaq pillugu nassuaammi allanneqarsimasut suli atuupput."

Akissut:

Aap. Naalakkersuisut suli taamatut isumaqarput.

2016-115-imut akissut paasissutissanik pissusiviusunik oqaatiginninneruvoq, tassa imaappoq aatsitassarsiorluni misissuinissamut akuersissummi ataatsimi akuersissummut atugassarititaasut aalajangersimasut oqaatigineqarput.

Paasissutissat pissusiviusunut tunngasut taakkua 2016-115-imut akissuteqaateqarnermiilli allannguuteqanngillat. Taamaalilluni akissuteqaat allanngunngilaq.

Piaanissamut akuersissummik tunniussinissaq pillugu Naalakkersuisut aalajangiigaangata, akuersissummut atugassarititaasut Naalakkersuisut pingartittarpaat. Tamatuma saniatigut pisortat ingerlatsineranni maleruagassat

aamma suliassaqarfimmut inatsisit atuuttut malillugit, suliassanik suliaqarnermi allatigullu aalajangiinerni, pisortat ingerlatsineranni tunngavissarititaasut kinaassusersiunngitsut aallaavigalugit aammalu tunngavissarititaasunut inatsimmi aalajangersarneqartunut naapertuuttumik, aalajangiisoqartartussaavoq.

2. §37 naapertorlugu nr. 2016-115-imi taarsiisoqarsinnaaneq pillugu akissut suli atuuppa?

Akissut ima imaqarpoq:

” Ingerlatseqatigiiffimmut pisinnaatitaaffeqartumut Greenland Minerals & Energi A/S-imut misissuinissamut akuersissummut nr. 2010/02-mut tapiliussaq malillugu ingerlatseqatigiiffik pisinnaatitaaffeqartoq pinngoqqaatinik qinngorernik ulorianartunik akulinnik misissuinissamut pisinnaatitaaffeqarpoq.

Taamaattorli akuersissummut tapiliussaq malillugu ingerlatseqatigiiffik pisinnaatitaaffeqartoq pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfigineqarnissamut pisinnaatitaaffeqanngilaq, naak ingerlatseqatigiiffiup pisinnaatitaaffeqartup upternarsaraluaraa killeqartumik niuerutigineqarsinnaasunillu pinngoqqaatinik qinngorernik ulorianartunik akulinnik peqartoq allatigullu misissuinissamut akuersissummi piumasaqaatinik naammassinnissimagaluarluni.

Akuersissummut tapiliussamit takuneqarsinnaavoq pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfigineqarnissaq pillugu qinnuteqaammik Naalakkersuisut itigartitsisinnaasut. Sunaluunniit tunngavigalugu qinnuteqaat itigartinneqarsinnaavoq, tassunga ilanngullugu politikkikkut imaluunniit ingerlatsivikkut peqquteqartumik, allarluunnarmilluunniit peqquteqartumik.

Akuersissummut tapiliussap aamma toqqaannartumik malitsigaa pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfigineqarnissaq pillugu qinnuteqaammik itigartitsineq kalaallit nunaanni oqartussanut pisussaaffinnik imaluunniit akisussaaffinnik kinguneqassanngitsoq, tassunga ilanngullugu taarsiinissamut akisussaaneq.

Tamanna tunuliaqutaralugu Naalakkersuisut naliliinerat suli tassaavoq assersuutigalugu pinngoqqaatit qinngorernik ulorianartunik akullit pillugit innuttaasut taasitinneqarneri tunuliaqutaralugu pinngoqqaatinik qinngorernik ulorianartunik akulinnik iluaquteqarnissamut akuersissummik nalunaarfigineqarnissaq pillugu qinnuteqaammik Naalakkersuisut itigartitsissagaluarpata Greenland Minerals & Energy A/S kalaallit nunaanni oqartussanut taarsiiffigineqarnissamut piumasaqaateqarnissamut pisinnaatitaaffeqanngitsoq.”

Akissut:

Aap. 2016-115-imut akissuteqaat Naalakkersuisut naliliinerannut suli takussutissaavoq.

Inussiarnersumik inuulluaqqusillunga

Múje Bourne Egede